

Protokolo de la Ĝenerala Asembleo de la Sciencia Sektoro okazinta 2003-09-21 en Karlovo dum la Bulgara proc-SUS.

1 *Formalaĵoj*

Ĉeestas la efektivaj membroj OProf. Frank (kun 8 voĉoj), OProf. Lobin (kun 2 voĉoj), OProf. Quednau (kun 7 voĉoj) kaj AProf. Stepniewski (kun 1 voĉo). Pri kvorumeco ne estas dubo. La tagordo estas akceptata. Protokolu OProf. Frank.

2 *Aktivecoj en Bulgario*

La ĜA konstatas, ke la bulgara prov-SUS okazas sukcese, kondiĉe ke ankaŭ la starigo de bugara registro realiĝos laŭ interkonsento hieraŭ buŝe trovita kun la rektoro de la ŝtata universitato Burgas. La ĜA aprobas la starigon de bulgara AIS-filio pro interkonsento inter AIS kaj AIS Bulgario unuflanke, la privata Internacia Universitato Karlovo (IUK) kaj la universitato Burgas aliflanke. La gvida triopo (direktoraro) de la filio konsistu el EProf. ADoc. B. Leonov (prezidanto de AIS Bulgario kaj rektoro de IUK), EProf. N. Ralev ISK (rektoro de la universitato Burgas) kaj – pro komisiio donita al ŝi fare de la Senato de AIS – EProf. ADoc. A. Lewanderska-Quednau (vicrektorino de IUK). La deĵortempo de la gvida triopo ampleksu la reston de la deĵortempo de la nuna senato kaj la kompletan deĵortempon (2004–2007) de la nova senato elektita 2003-09-05 en San Marino Città. La ĜA petas la gvidan triopon, pritrakti la eblajn vojojn al enkorpiĝo de AIS en sian bulgaran filion en analogio al la rumana filio Sibiu-Hermannstadt kaj al la projektita slovaka filio Komárno. – La rektoro de IUK estas petata, konservi en la IUK-biblioteko (kaj dokumenti en formo atingebla per la Interreto) la disertaĵojn de la kandidatoj almenaŭ de la ekzamenoj okazantaj en Karlovo.

3 *Aktivecoj en Pollando*

La ĜA aprobas kaj subtenas la deziron de la polaj AISanoj partoprenantaj en la bulgara prov-SUS, ke AProf. Stepniewski ekapartenu al la estraro de AIS Pollando, kaj la decidon de la 48a senatkunsido, komisiio al li la plenumon de la kondiĉoj de la SubS-sembleo por la nuligo de la kotizŝuldoj de AIS Pollando. La ĜA aprobas la proponon de la AIS-klerigejo Bydgoszcz (gvidata pro komisiio

de la Senato de la kvaropo AProf. Kowalczyk, OProf. Dr. Lobin, OProf. Mielcarek kaj OProf. Quednau) okazigi 2004 en Pollando BUS, laŭeble de la 24a ĝis la 28a de septembro, prefere en Lublin, sed ĉiukaze en kunlaboro kun la AIS-klerigejo Bydgoszcz. Laŭeble la studadsesio estu oficiala aranĝo de la pola AIS-filio, kies evoluigon la ĜA komisiis al ke AProf. Stepniewski. Por la fondoperiodo, kiu daŭru ĝis la fino de 2007, li starigu en interkonsento kun la prezidanto de AIS gvidan triopon, al kiu ĉiukaze apartenu li mem. La pola registro estu daŭrigata laŭeble en la ŝtata Teknika Universitato Lublin.

4 *Sibiu-Hermannstadt kaj Komárno*

La ĜA aprobas la evoluigadon de la rumana filio en interkonsento inter AIS, AIS Rumanio kaj la Universitato *Lucian Blaga* Sibiu-Hermannstadt (ULBS) sub la gvida triopo OProf. Frank, OProf. Minnaja kaj ADoc. Sara Konnerth-Reisenauer. La slovaka filio, sub gvida triopo konsistanta el nobelpremiita honora senatano OProf. R. Selten, estrino de AIS Slovakio OProf. Dr. habil. Eva Poláková kaj prezidanto OProf. Dr. habil. H. Frank, klopodu starigi Akademidomon ĉe la Eŭropa Placo de Komárno kiel centron de la slovaka filio kaj de ties Libera Eŭropia Universitato. Tio okazu en interkonsento inter AIS, AIS Slovakio kaj – kiel jura realiganto de la starigo kaj administrado de la domo kaj de la privata universitato – la kompanio S-COM, kies ok kompanianoj ĉiuj estas AISanoj. La slovaka registro malfermita en Nitra estu daŭrigata ĉe neprivata slovaka un[i]versitato per la Slov[a]ka AIS-filio.

5 *Nordorienteŭrazia filio*

La ĜA petas la prezidanton, strebi dum la resto de la deĵorperiodo de la nuna senato al refunkcio de AIS Rusio kaj el interkonsento kun ĝi, kun la AIS-klerigejoj en Rusio (EJUSTO, Info-Ruthenia, Ter-esplora Akademio) kaj kun la Moskva Ŝtata Industria Universitato (MGIU kune kun la Roslavla Filio de MGIU) al laŭregulara oficialigo de la rusa AIS-filio, al kiel gvida triopo apartenu (1) Prof^T Ŝilo, (2) AProf. Ŝljapin aŭ AProf. Ŝejpak kaj (3) laŭeble la rektoro de MGIU Ĥoĥlov aŭ de li nomumota alia reprezentanto de MGIU. La rusa registro restu ĉe MGIU.

6 *Arta Sektoro*

La ĜA konstatas, ke dum la bulgara prov-SUS asembleo de la Arta Sektoro kun elekto de estraro kaj akcepto de regularo ne povas okazi. Tial ĝi nomumas OProf. Prof^A Alsleben komisiita direktoro de ArS ree por la deĵorperiodo 2004–2007 kaj komisiis al li, zorgi en interkonsento kun la prezidanto pri strukturigo de la sektoro en tri sekciojn, pri provizoraj sekcioj, pri provizora ArS-estraro el 3 – 7 ArSanoj, al kiu li mem kaj la provizoraj sekcioj apartenu, kaj pri propono de regularo de ArS. Pri la interkonsento trovita decidu la Senato rete antaŭ la fino de 2003.

7 *Teknika = Sciencaplika Sektoro*

La ĜA konstatas, ke ankaŭ la Teknika Sektoro (oficiala sinonimo: Sciencaplika Sektoro) ne povas asemblee kunveni en Karlovo. Oni tial nomumas Prof^T Ŝilo komisiita direktoro de la sektoro ree por la deĵorperiodo 2004–2007 kun la analogaj taskoj kiel la komisiita direktoro de ArS. La strukturo kaj la regularo de TeS (=SaS) kaj de ArS estu analogaj. La tri faksekcioj de TeS (SaS) estu la sekcioj inĝeniertekniko, socitekniko kaj biotekniko.

8 *Diversaĵoj*

Ne estas io alia pritraktenda.

Karlovo, 2003-09-21

Protokolis: *H. Frank*